

Danijela Martinović

Zatražila preciziranje odgovora Ureda koordinatora za reformu javne uprave BiH na pitanje postavljeno na 26. sjednici Predstavničkog doma, održanoj 19. 4. 2012. Pitanje je glasilo: „U kojoj fazi je provođenje Revidiranog akcionog plana 1 Strategije reforme javne uprave, koji je usvojen prošle godine, te kakvi su rezultati postignuti do sada?“

Preciziranje odgovora zatraženo je na sljedeći način: „Pohvalno je što sam brzo dobila odgovor, ali nije pohvalno to što je on sasvim nejasan i neprecizan, tako da tražim da se navedeni odgovor precizira. Zašto nisam zadovoljna? Naime, nadam se da su kolege pročitale odgovor i rečeno je da je od ukupno 130 ciljeva iz Revidiranog akcionog plana realizirano 9%, djelimično je realizirano 40%, realizacija 32% ciljeva je počela, a 19% ciljeva nije ni počela. Kaže, realizirano 82%, a realizacija 18% nije ni počela. Zatim me upućuju na internetsku stranicu, dakle možete naći dalje informaciju u Godišnjem izvještaju o napretku na stranici [www...gov.ba](http://www.gov.ba), pa onda više detalja o projektima itd. Dakle, da sam htjela tražiti i iščitavati detaljno navedene strategije, sigurno bih ih i iščitala, ali cilj mi je bio da mi se konkretno navedu mjere koje su do sada preduzete, aktivnosti i koji su ciljevi utvrđeni, odnosno realizirani. Ovaj postotak zaista ništa ne znači.“